



ORKUSTOFNUN

Rannsóknarholur á höfuðborgarsvæði

Valgarður Stefánsson

Greinargerð VS-94-02

Rannsóknarholur á höfuðborgarsvæði

Inngangur

Árið 1992 hóf Hitaveita Reykjavíkur mikið átak í rannsóknarborunum á höfuðborharsvæðinu. Á síðastliðnum þrem árum hafa verið boraðar nítján holur í þessum rannsóknaráfanga, holur HS23 til HS41. Viðamiklar upplýsingar um jaðra vinnslusvæða hitaveitunnar og hitadreifingu í berggrunni hafa fengist með þessum rannsóknarholmum og er ráðgert að halda áfram þessarri upplýsingaöflun. Í þessarri greinargerð er fjallað lauslega um vatnsborð og hitastigul í fyrirliggjandi holum og tillaga gerð um staðsetningu nýrra hola.

Vatnsborð í HS holum

Rissað hefur verið upp kort af vatnsborði í HS holum (mynd 1). Vatnsborð er mælt í holunum á mismunandi tínum, þannig að skekkjur geta verið verulegar í holum sem eru nálægt vinnslusvæðum. Einnig er kortið ófullkomið að því leyti að það byggir ekki á gögnum úr öllum holum á svæðinu. Hins vegar gefur kortið grófa mynd af grunnvatnsborði, sem rétt er að hafa til hliðsjónar við staðsetningu á nýjum holum.

Prýstilínur og landslag

Nes og firðir koma fram á vatnsborðskorti á þann hátt að grunnvatnsstaða er hærri á nesjum heldur en á þeim svæðum þar sem firðir ganga inn í landið. Það kemur vel heim við almenna stöðu grunnvatns. Hér kemur þó inn spurning um tengingu við vatnskerfi. Það er t.d. 50 m munur á vatnsborði í holum HS23 og HS36. Þessi þrýstimunur hefur verið túlkaður sem tenging við mismunandi vatnskerfi, þ.e. að hola HS36 hafi tengingu við Laugarneskerfið en hola HS23 ekki. Hins vegar er það opin spurning hversu mikill hluti af þessum þrýstimun er vegna niðurdráttar í Laugarnessvæði og hversu mikill hluti er svæðisbundinn (þ.e. tengdur landslagi). Almennt útlit vatnsborðskorts bendir til að það ætti að vera tiltölulega lágur þrýstingur við holu HS36.

Með tilliti til landslags er vatnsborð í holum HS25 einnig mjög athyglisvert. Vatnsborð í holu HS25 stendur mjög hátt miðað við nálægar holur, en vatnsborð í holu HS15 er mjög lágt miðað við nálægar holur. Lágt vatnsborð í holu HS15 gæti verið tengt niðurdrætti á Reykjum, en hátt vatnsborð í holum HS35, HS37 og HS38 sýnir að slík tenging kemur ekki fram í vatnsborðskorti.

Munur á vatnsborði í holum HS25 og HS33 má að einhverju leyti skýra með mismunandi dýpt holanna, en HS25 er aðeins 105 m en HS33 er 345 m djúp. Eftir stendur að vatnsborð stendur hærra í holu HS25 en í holum HS20 og HS18. Báðar þær holur (HS20 og HS18) eru dýpri en hola HS25.

Prýstilínur og jarðhitakerfi

Jarðhitakerfið á Reykjum kemur mjög greinilega fram sem lægð í grunnvatnsborði á mynd 1. Erfiðara er að greina nákvæmlega áhrif annarra jarðhitakerfa. Þetta á einkum við um Elliðaárvæðið. Ef eingöngu er skoðað vatnsborð í HS holum koma áhrif Elliðaárvæðisins ekki fram sem truflun á grunnvatnsstöðu. Með því að skoða vatnsborð í fleiri holum en gert er á mynd 1 koma áhrifin frá Elliðaárvæðinu fram sem mjög staðbundin truflun á grunnvatnsstöðu. Mjög lág vatnsborðsstaða í holum HS31, HS36 og HS40 er talin tengjast vinnslu á Laugarnessvæði. Hins vegar sýnir mynd 1 ekki hvaða lögun er á áhrifasvæði Laugarnessvæðisins. Nokkur áhugaverð atriði koma fram á mynd 1 ef reynt er að tengja vatnsborðsstöðu við áhrif frá jarðhita:

- Vatnsborð í holu HS15 er mjög lágt og spurning er hvort það er tengt niðurdrætti á Reykjum. Hátt grunnvatnsborð er hins vegar á milli HS15 og vinnslusvæðis á Reykjum (HS35, HS37, HS38). Ástæða er til að þéttu holunet í kring um holu HS15 til þess að skoða þrýstidreifingu.
- Mjög lágur þrýstingur er í holu HS40. Eðlilegt væri að tengja það vinnslu á Laugarnessvæði. Ef það er rétt eru austur-vestur áhrif vinnslu í Laugarnesi veruleg (HS40 og HS31). Áður en frekari boranir eru gerðar væri rétt að bera vatnsborðsbreytingar í holum HS40 og HS31 saman við vinnslu í Laugarnesi.
- Mjög hár þrýstingur er í holu HS25. Þetta gæti bent til að ekki sé sein tenging úr Laugarnesi upp að Korpuós (og Hestþinghól).
- Mjög lágur þrýstingur er í holu HS36. Þessi hola er þó mun dýpri en aðrar HS holur, þannig að ekki er víst að vatnsborð í þeiri holu sé fyllilega sambærilegt við nærliggjandi holur.
- Áhrifin frá Elliðaárvæðinu virðast ná yfir mun minna svæði en áhrif frá Reykjum og Laugarnesi. Áhrifin frá Seltjarnarnesi virðast líka staðbundin, en mikið vantar á kort á því svæði.

Prýstilínur og sprungustefna

Prýstilægðin í grunnvatnsborði sem tengist jarðhitum á Reykjum virðist fylgja sprungustefnu, en ekki er hægt að sjá þessa stefnu greinilega annars staðar á svæðinu. Ef eitthvað er, þá virðast þrýstilínur frekar afmarka stefnu sem er nálægt því að vera þvert á sprungustefnu. Þetta gildir um þrýstihæðir sem fylgja Álfanesi, Seltjarnarnesi, Geldinganesi og Álfnesi-Kjalarnesi, og einnig um þrýstilægðir sem fylgja Kópavogi, Grafarvogi og Leiruvogi. Hér má þó ekki draga of miklar ályktanir frá mynd 1 vegna þess að hægt er að draga þrýstilínur á mismunandi vegu. T.d. getur vel verið að þrýstilægð sem kemur fram í holum HS15 og HS16 hafi SV-NA stefnu. Einna erfiðast virðist vera að tengja áhrifin frá Laugarnessvæðinu við SV-NA stefnu.

Áhugaverð svæði til þess að kanna þrýstidreifingu

- *Korpuós-Hestþinghóll.* Grunnvatnskortið (mynd 1) bendir til að jarðhitinn við Korpuós (hola RV-42) sé tengdur sérstöku jarðhitakerfi þar sem grunnavatnslægðin gæti fylgt SV-NA stefnu. Ástæða er að setja niður holu á milli HS16 og HS15. Einnig er æskilegt að

bora holu ca. 1500 metrum NA af HS15 (nálægt þjóðvegi eða við Köldukvísl ef hægt er að finna fast berg á þessum slóðum). Einnig ætti að athuga aftur hvort ekki er hægt að setja niður holu á Gunnunesi (SV hluti Álfness) Þessar holar mega vera grunnar (100-200 m).

- ⌚ *Hafravatn.* Svæðið suðvestur af Suður Reykjum hefur reynst mjög áhugavert og hafa verið settar þar fimm HS holar. Megitgangur þeirra borana er að kanna tengsl jarðhitakerfisins við kalt grunvatn á miklu dýpi og mögulegt aðrennsli inn í jarðhitakerfið. Mynd 1 sýnir að áhrif jarðhitasvæðisins á grunnvatnsborð ná suður fyrir holar HS39 og HS41. Þess vegna væri áhugavert að setja niður holu ca. 1000 metrum SV af holu HS39 (þ.e. rétt norðan við bæinn á Úlfarsfelli).
- ⌚ *Austan við jarðhita á Reykjunum.* Þetta svæði hefur ekki verið kannað fram að þessu og mætti setja niður margar holar á svæðinu. Meginallinn á þessu svæði er að bora verður tiltölulega djúpar holar vegna þess að svæðið liggur hátt.
- ⌚ *Elliðaárvæði.* Ástæða er að kanna jaðra Elliðaárvæðisins á sama hátt og verið er að gera við svæðið SV af Suður Reykjum. Talið er að kalt innrennsli í Elliðaárvæðið komi inn í SA hluta vinnslusvæðis (hola RV-36). Vegna byggðar er erfitt að koma fyrir holum á svæðinu, en hér er lagt til að bora annars vegar 1200-1600 m suður af vinnslusvæði (í Breiðholtsmýri, nálægt Alaska) og 1000-1500 m austan við vinnslusvæðið (við Elliðaárstíflu eða á bökkum lónsins).

Hitastigulskort

Mynd 2 sýnir hitastigul í HS holum. Þetta er mjög gróft riss af hitastigulsdreifingu, þar sem einungis HS holar eru inn í myndinni. Áhugaverðstu staðirnir á þessu korti eru taldir þeir þar sem hitastigull er mjög hár og þeir staðir þar sem stigullinn er óeðlilega lágor. Þessi svæði eru:

- ❖ *Geldinganes-Álfnes.* Hitastigull í holum HS25, HS33 og HS28 er hærri en $200\text{ }^{\circ}\text{C/km}$. Landfræðilega liggja þessar holar saman, og hitastigullinn bendir til að tiltölulega grunnt sé á jarðhitakerfi á þessu svæði. Hola RV-42 ætti að tengjast þessu jarðhitakerfi, en í þeiri holu er komið niður á jarðhitakerfi á 350-400 m dýpi. Þar sem hitastigull er hærri í holum HS25, HS33 og HS28 heldur en hitastigull í HS16, má búast við að grynnra sé á jarðhitakerfi við holar HS25, HS33 og HS28 heldur en reyndist vera í holu RV-42. Þegar er búið að bora djúpa holu á þessu svæði (RV-42) og sannreyna að þar er fyrir hendi vinnanlegur jarðhiti. Rannsóknir ættu því einkum að beinast að því að kanna útbreiðslu jarðhitakerfis og mögulegri tengingu við önnur vinnslusvæði. Vegna grunnvatnsstöðu hafa komið fram þrjár tillögur um staðsetningu á nýjum holum sem tengja má háum hitastigli á þessu svæði. Munu þær holar auka við þekkingu á því svæði þar sem hitastigull mælist hár. Þetta á einkum við holu á Gunnunesi. Aðrir áhugaverðir borstaðir eru Viðey og Brimnes.
- ❖ *Svilaklöpp.* Hitastigull í holu HS29 (Svilaklöpp) er mjög hár ($266\text{ }^{\circ}\text{C/km}$) sem bendir til að á því svæði sé tiltölulega grunnt á jarðhita. Stigullinn í næstu holum upp með Leirvogsá (við Pverá og Tröllafoss) er rúmlega $100\text{ }^{\circ}\text{C/km}$, sem talist getur vanalegt gildi á svæðinu. Austur við Stardal er hitastigull kominn í rúmlega $400\text{ }^{\circ}\text{C/km}$ og þar gætir

þrýstiáhrifa frá vinnslu á Reykjum. Pessar aðstæður kalla á frekari athuganir á hitastigli. Bæði þyrfti að kanna útbreiðslu þess svæðis þar sem hitastigull er hár og bora dýpra á þessu svæði. Þannig ætti að bora grunna holu nálægt Leirvogsá miðja vegu milli Svilaklappar og Þverár. Einnig ætti að athuga staðsetningu meðfram Leirvogsá vestan við holuna við Svilaklöpp. Sú staðsetning er háð því hvort fast berg er aðgengilegt á svæðinu. Auk þessara grunnu hola austan og vestan við holu HS29 er mælt með því að bora djúpa (400 m) holu á svæðinu. Annað hvort er að dýpka holu HS29 eða að bora aðra djúpa holu mjög nálægt holu HS29.

- ♪ *Svæði sunnan við Mosfell.* Hola HS38 gefur mikið magn af köldu vatni, en lítið er vitað um hitadreifingu í bergi á þessum slóðum. Ástæða er til að bora a.m.k. tvær grunnar hitastigulsholur sunnan undir Mosfelli.
- ♪ *Jaðrar jarðhitans í Helgadal.* Lítið er vitað um jaðra jarðhitasvæðisins á Reykjum nema til vesturs og suðvesturs. Hér er lagt til að boruð verði rannsóknarholu í Katlagili, sem er austan við vinnsluholur í Helgadal. Miðað við hitaferla í holum MG34, MG38, MG33, MG35 og MG39 þyrfti þessi hola að vera 500-1000 m djúp til þess að tenging náist við jarðhitakerfið í Helgadal. Áður hefur verið stungið upp á rannsóknarholu við Jónsselslæk (austan við Gljúfrastein) og er sá borstaður einnig áhugaverður.
- ♪ *Svæði suður af Suður-Reykjum.* HS holur á þessu svæði hafa gefið mjög athylisverðar niðurstöður og í ráði er að bora djúpa holu á svæðinu til þess að kanna betur samband jarðhitakerfis við kallt grunnvatn á miklu dýpi sem komið hefur fram í holu HS26. Hér er lagt til að djúpa holan verði staðsett á milli holu HS34 og HS41. Auk þess er lagt til að boruð verði 400 m hola ofarlega í Húsadal (austan við holur MG23 og MG31). Áður var minnst á grunna holu nálægt bænum á Úlfarsfelli.
- ♪ *Álftanes.* Vitneskja um háan hitastigul á Álftanesi hefur legið fyrir um hálfrar aldar skeið, en ekki liggur fyrir hvort þar er fyrir hendi vinnanlegur jarðhiti. Það virðist því tímabært að kanna vinnslueiginleika á þessu svæði með því að bora þar holu, sem hægt væri að dæluprófa. Hér verður ekki lagt mat á hvar og hvenær verður boruð vinnsluhola á Álftanesi. Hins vegar er lagt til að boruð verði hitastigulshola miðja vegu milli Hliðs og HS7 til þess að ákvarða betur útbreiðslu hitastigulsanómalíu á Álftanesi. Fyrsta holan á Álftanesi var boruð við Hlið á árunum 1943-1944. Holan er kölluð Hliðstangi í gagnagrunni Orkustofnunar og var hún boruð í 372 m dýpi. Hitamælingar (frá 1954 og 1969) benda til að hitastigull í holunni sé hærri en 200 °C/km.

Tillögur um holustaðsetningar


Í eftirfarandi töflu eru dregnar saman þær tillögur um holustaðsetningar sem raktar hafa verið hér að framan. Gróf staðsetning er sýnd á meðfylgjandi kortablöðum. Engin forgangsröðun er á þessum tillögum

| Merking á korti | Dýpi m | Staðsetning | Tilgangur |
|-----------------|----------|--|---|
| X1 | 100 | Milli HS16 og HS15 | Vatnsborð |
| X2 | 150 | Nálægt Tungufoss í Köldukvísl | Vatnsborð |
| X3 | 150 | Gunnunes | Vatnsborð og hitastigull |
| X4 | 500-1000 | Viðey | Vatnsborð, hitastigull og möguleg jarðhitavinnsla |
| X5 | 150 | Brimnes | Hitastigull |
| X6 | 100 | Vestan við HS29 | Hitastigull |
| X7 | 400 | Dýpkun HS29 eða nálægt henni | Tenging við jarðhita á Reykjum, þ.e. vatnsborð |
| X8 | 150 | Við Leirvogsá milli Pverár og Svilalkappar | Hitastigull |
| X9 | 300 | Nálægt bænum á Mosfelli | Hitastigull og vatnsborð |
| X10 | 300 | Austur með Mosfellshlíðum | Hitastigull og vatnsborð |
| X11 | 500 | Við Jónsselslæk austan Gljúfrasteins | Tenging við jarðhitakerfið á Reykjum |
| X12 | 500-1000 | Í Katlagili austan við vinnsluholur í Helgadal | Tenging við jarðhita í Helgadal |
| X13 | 400 | Ofarlega í Húsadal austan við vinnsluholur á Suður-Reykjum | Tenging við jarðhita á Suður-Reykjum |
| X14 | 1000 | Milli HS34 og HS41 | Kanna aðstreymi kalds grunnvatns að jarðhitakerfinu á Reykjum |
| X15 | 200 | Norður af bænum á Úlfarsfelli | Vatnsborð |
| X16 | 500 | Ofan við Árbæjarstífluna | Kortleggja kalt aðstreymi að Elliðaársvæðinu |
| X17 | 500 | Í Breiðholtsmýri | Kortleggja kalt aðstreymi til Elliðaársvæðisins |
| X18 | 200 | Á Álftanesi á milli Hliðs og HS7 | Útbreiðsla svæðis með háan hitastigul á Álftanesi |

| Hnit hitastigulsholna í Reykjavík (Lambert, X í vestur, Y í norður). | | | | | | | | |
|---|--------------------|--------|--------|------------|----------------|-----------------|-------------|--------------------|
| Þetta er mest hritað af kortum, bæði af ÁH og GrB/BS Gögnin eru í skránni: \FI\os\grb\hs\holur\tafla.hnit\fR | | | | | | | | |
| Hola | Heiti | X (m) | Y (m) | Hæð (m) | Vatnsb. (m) | Vatnsb. masl | Dýpi (m) | Stigull (°C/km) |
| HS-01 | Bakki | 694753 | 411564 | 7 | 10 | -3 | 98 | 250 |
| HS-02 | Byggjarður | 694789 | 412731 | 7 | 20 | -13 | 80.7 | 288 |
| HS-03 | Ánanauðst | 692458 | 411439 | 7 | 5 | 2 | 99.3 | 101 |
| HS-04 | Ægissíða | 692880 | 409788 | 7 | 10 | -3 | 101 | 83 |
| HS-05 | Bjarnastaðir | 696628 | 406015 | 7 | 7 | 0 | 100.5 | 210 |
| HS-06 | Akrakot | 695315 | 407630 | 7 | 7 | 0 | 100 | 225 |
| HS-07 | Víðistaðir | 693308 | 402990 | 10 | 5 | 5 | 102 | 75 |
| HS-08 | Hvaleyrarbraut | 694419 | 401374 | 7 | 10 | -3 | 85.5 | 66 |
| HS-09 | Svínholt | 691678 | 400654 | 50 | 10 | 40 | 60.2 | 0 |
| HS-10 | Silfurtún | 691384 | 404602 | 10 | 5 | 5 | 203.1 | 57 |
| HS-11 | Kópavogslækur | 690114 | 406034 | 10 | 5 | 5 | 100.4 | 187 |
| HS-12 | Leirdalur | 688113 | 404212 | 63.9 | 17 | 46.9 | 100.8 | 82 |
| HS-13 | Nýbýlavegur | 688690 | 406949 | 30 | 10 | 20 | 106.7 | 115 |
| HS-14 | Úlfarsfell | 681913 | 410034 | 102 | 50 | 52 | 250.2 | 16 |
| HS-15 | Hestþinghóll | 680159 | 413526 | 3 | 15 | -12 | 154.6 | 120 |
| HS-16 | Korpuós | 682183 | 412234 | 10 | 5 | 5 | 147.5 | 183 |
| HS-17 | Grafarvogur | 684577 | 408471 | 4 | 0 | 4 | 284.5 | 133 |
| HS-18 | Korpúlfssstaðir | 682803 | 410794 | 28 | 10 | 18 | 154.6 | 118 |
| HS-19 | Keldur | 683331 | 409996 | 38 | 10 | 28 | 203.9 | 120 |
| HS-20 | Gufunesmelar | 684326 | 410835 | 47 | 30 | 17 | 154.6 | 116 |
| HS-21 | Blikastaðir | 681752 | 411659 | 31 | 10 | 21 | 154.6 | 126 |
| HS-22 | Digranes | 688305 | 406192 | 30 | 10 | 20 | 302.4 | 105 |
| HS-23 | Bústaðaháls | 690277 | 408783 | 55 | 27 | 28 | 316 | 220 |
| HS-24 | Skammidalur | 676612 | 412701 | 105 | 118 | -13 | 230 | 452 |
| HS-25 | Geldinganes austur | 684338 | 412400 | 38 | 7 | 31 | 105 | 220 |
| HS-26 | Hafravatn | 678333 | 409050 | 78 | 14 | 64 | 375 | 9 |
| HS-27 | Pormóðsdalur | 676750 | 407689 | 117 | -5 | 122 | 260 | 32 |
| HS-28 | Álfnes Glóruholt | 682214 | 414550 | 24 | 6 | 18 | 175 | 227 |
| HS-29 | Svilaklöpp | 676236 | 416530 | 62 | 2 | 60 | 105 | 266 |
| HS-30 | Álfnes Háheiði | 680936 | 415826 | 42 | 10 | 32 | 155 | 124 |
| HS-31 | Sundahöfn | 688048 | 411073 | 5 | 51 | -46 | 375 | 157 |
| HS-32 | Hulduhóll | 674480 | 407445 | 185 | 28 | 157 | 405 | 0 - 60 |
| HS-33 | Geldinganes vestur | 685485 | 413202 | 32 | 31 | 1 | 345 | 271 |
| HS-34 | Uxamýri | 678136 | 410342 | 75 | 88 | -13 | 200 | 400 |
| HS-35 | Skarhólamýri | 679792 | 411273 | 90 | 30 | 60 | 220 | 76 |
| HS-36 | Nauthólvsvík | 691017 | 408056 | 15 | 40 | -25 | 995 | 84 |
| HS-37 | Helgafell | 678564 | 412825 | 70 | 5 | 65 | 450 | 195 |
| HS-38 | Hrísbró | 676583 | 414404 | 65 | 0 | 65 | 65 | 0 |
| HS-39 | Skygganir | 679341 | 410081 | 105 | 90 | 15 | 250 | 180 |
| HS-40 | Örfirisey | 691507 | 412349 | 3 | 35 | -32 | 350 | 120 |
| HS-41 | Uxaholt | | | 90 | 77 | 13 | 350 | 14 |


Brey # 23 Sept 34

17 1944
Col.



MIND 1

MYND 2



17 Dec 1947
1/12

